

執齋先生文集

執齋先生文集卷二

四言古詩

送榕溪金公往鑒德安之獄五章

明明執法麗于太微蕭蕭臺憲維公克持曰張曰弛靡激靡隨如楨斯植百辟是儀

於燦使星流輝南極皇眷不違綸言有赫訟獄構譴爾維邦直匪囂是恫維頑是聖

倚子寅好有飮德馨慨言出祖有憧心旌觸此炎景迭彼脩程神其相只媚於寢興

涓涓雲夢魂荆霍吏隱民微肆詎肆度以萃耿誠以摠

寒謬嗟賢于勞豈曰盤樂

信邁信邁可無典刑邁歸邁歸宜有老成大獄既正群枉
斯明坐而論道以隆治平

五言古詩

題川上圖

太極妙無極化機無停機陽鳥雲中翔野馬風前馳雪梅
早已羣霜菊晚未萎小物若可遺至理適在茲所以魯中
叟臨流發深噫寄言道學子試向管中窺

奉水玉老先生求教

丹山產神鳳涇涇產神駒我公起廬陵頡頏與之俱崇科

前武解囊應時需詞垣日啓沃四海春池濡愚生蓬宇
下悵望青雲衢山斗興寤寐匪爲功利驅道原資一唯典
籍窮三餘鴻鈞棄棄物狂狷知何如

又

亭亭松栢株孤根附蓬茅豈不待梁棟豈不思雲霄嗟哉
樵採兒斧斤一何驕枝柯空磊塊生意日以焦匠石幸來
過憐此脩且直藩竹戒牛羊剡泉沃沙礫要令霜雪餘昂
聳深培植第慚偃蹇資恐負繩與尺

感興

周衰王道微世態不復美狂秦逮胡元中更幾昏否雖有

漢與唐未足稱至理宋興非盛強南北真儒起斯道賴以
明再立人生紀王道宜可興胡爲竟頽靡世儒溺科名空
言寡真履我生雖匪材志與琴張比晤嘆衡簷間顧瞻帝
庭裏一編矢靡諉蓋棺事方始

幽居寫懷

束髮希孔顏兀兀幽齋坐擬探六籍齋一飽平生餓萬象
窮搜羅隻力勞負荷云胡志難酬倏忽時已蹉冬寒始紛
披春條今裊娜少壯能幾何感激愁無那蔬食與豆羹吾
腹良已裸踈裘又短褐吾體詎云臞所傷薄俗流莫挽蒼
生墜浩蕩梁甫吟寔冀衡門卧好風忽東來拂我簷前過

優哉復優哉皓月浮雲破

題畫

結筏依淺渚舉臂臨深流雲林掛石壁烟蓑莽攸攸赤手
挽江海力與神鬼侔一舉盡魚鱉再舉驚龍虬竭川彼何
心弋釣聖所謀君看渭濱叟直釣懸姬周

又

雨過江水長水長江波渾結蓑者誰子掛風江水濱秋聲
墮潭影謫若浮雲屯兀然坐終日忘一神不分揚翹豈吾
羨所冀鰲與鯤一舉飫四海室家安足論

送黎蕭二兄從白沙先生詩有引

予友黎仁興蕭具緒囊書載舸涉嶺海從學於白沙陳先生先生道德爲天下山斗余每恨未及一拜而二兄乃能拔出流俗遠從之遊其成德達材顯今而傳後無疑矣雖然人之學其猶鑄手師範也弟子器也材之不良煅煉磨淬之不至雖共垂歐冶將如之何公伯寮彭更之徒終日嘒嘒然而濂溪二程乃一領神會於千載之下存乎人焉爾近余邑有從一峰羅先生遊者衆譁笑之及歸又無以異於恒人此其自棄不足道也然而信時俗之言沮學者之志而辱羅先生之教其爲害不淺矣二兄夙抱雅志仁興進取而具緒不奪於人其材

既良加之煨煉磨淬孰禦哉惟一洗時俗之言使余
相從於私淵答問之列幸甚幸甚五言詩六章章八句
叙別意耳不足爲贈也

一
聖學久寂寥舉世皆狂痴峻儒起南海卓爲天下師杞楠
齋時用庭草凝春姿顧瞻洙泗流浩浩東南馳

二
歲晏霜雪繁遊子有所之挑簷負六籍匪爲功利私羅浮
鬱在望韶水接天涯所懷在明德千里安足辭

三

鯤鵬徙南溟燕雀巢東籬雲帆忽千里恍惚不可追夙昔
懷壯志中歲阻幽期臨風一隕涕豈爲生別滋

四

人心炳日月萬象分毫絲太極妙無極化機無停機羲皇
歷姬孔要妙方寸基敬哉精一傳勉強勿復疑

五

管商崇霸術燕許騁浮詞悠悠往聖躅路暗生蒺藜立功
必熙皞立言必純懿男兒貴立志此道非君誰

六

迢遞送行舟鬱鬱勞心思夙昔金石交倏忽遽別離浩歌

對尊酒氣欲衝虹霓寄聲雲中翼白首相追隨

早起

宵聞樹有聲曉起花爭墮寒光當戶迷更拂疎簾過瘦骨
欲生稜僵立愁心破空爐誰與燃聊復袁安卧

渡江

江濶濟舟遲水迅鳴橈急中流風日佳波光混金碧爭渡
人語囂分途孤影寂忽憶侍親遊凄然淚沾臆

題畫

晴嵐渡江來照此林下屋林深不見人灑灑露蒼玉扁舟
濟風濤偶爾若下宿時聞梁甫吟浩蕩寄心曲

早發

海月夜方吐野鷄晨未鳴
歷歷堤上路悠悠河畔征
牽挽力已疲謹呼夢爲驚
時於枕席下驟聞風水聲
人生各有役王事况有程
露華忽已白悵望清源城

謝馬錦衣汝礪

積譴不可除遠逮馳中旨
郡邑驚動顏親黨走折趾
皇皇錦衣使抗節西江渙
秋霜隨征鞍夜月照行李
倏顧逋遜臣性命輕螻蟻
縲絏嗟羈囚郵傳遑起止
詎意天日開寬宥保殘齒
回念冰雪餘生全良有以
夙惟將門英韜畧迨經史
豈徒益如春亦復清如洗
既懷桃李情莫効瓊瑤

禮勉哉勵忠勤策勛此方始

題抱琴圖

抱琴欲何之駕言帝所都帝都渺何許丹闕凌虛無上有
堯舜君下有禹益徒至理感神化瑞鳳鳴高梧斫梧製徽
軫音律諧嗚呼一彈和風應再彈群稿蘇三彈民物阜海
宇春含濡惜哉朱絃絕此興久已孤吾生百世下邈想千
古初孔文有遺操洗耳齊門等

題畫

雲來山靄深雲去嵐光薄長松掛涼颼飛泉噴幽壑偶坐
者何人顧盼相然諾呼童抱琴來琴中有真樂

又

同雲釀朔風一雪千山暮空林翻凍鳥迥野迷僵兔酒帘徒見招旅行豈遑顧優哉高卧人寧識藍關路

陶狄二公祠

伏節蒞潯陽崇岡暫登憩緬懷二公祠名德夙所企典午勢已衰彭城日將肆浩然賦歸來傾寫見肝肺晉水方龍興云胡昏繼世艱難取日功委曲虞淵計再拜瞻遺容清任激千禩匡廬何高哉朔風正凌厲

題扇寄友人

世道日彫弊韶武變哇淫絲桐太古操棄捐不復珥瑤徽

闕光彩銀甲生埃塵高山與流水悠悠向誰陳感君無流俗愛此古且淳一彈三嘆息矢言結相親別來忽幾時邈若三四春囊琴不能鼓悵望雲中旻

睡起

一室謝紛擾嗒然成坐忘曲肱隱書几杳杳晝夢長誰知重淵中炳然露靈光虛明浩無際窈窕蒼乃此萬慮寐伊誰執其亡夜氣涼斯在欽哉戒牛羊

有懷

端居寡所營悠然動遐想大哉天地中寒暑幾來往至道非茫昧聖謨如指掌玄珠墮深淵舉世非象罔性學紛楊

荀治功雜斯軌世儒蔽陳言口耳滋惚恍寧知方寸微虛
靈配高廣一理貫萬幾善端自蒙養我生千古下此志殊
怏怏妙悟慚層愚陋質期矯強常恐年歲馳無成同草莽

玩易

高軒啓明闢嘉封環清池微風動書帙似與幽人期義文
去已遠遺我象與辭金玉見顏色唯諾諸壻筮靈鑒室淨如
洗萬彙含春滋至精諒斯在畢景勿復疑

清夜

微陽墮西嶺皎月生東瀛衆星拱樞極河漢流無聲風雲
忽變色庭鳥棲復驚佳人倚虛幌淚盡何由明

擬古

春風回廣陌初日臨高臺
翩翩翠羽蓋騎從從天來都人
紛辟易羨此英雄材如何青樓妓
能使玉勒回濃粧輝明月
繁奏驚浮埃竟夕歡未足曉漏徒相催
寧知炎夢婦慄慨歌七哀

題畫

二公非海濱偶此成賓主
空山無四隣雲月在環堵
展卷芳樹陰維棹清溪滸
寄謝避秦人吾志在隆古

清江口夜泊書事

未夜不能曙旅泊清江灣
踈更落風外柝響叢薄間
群舟

爭渡淺牽挽忘飢寒魚貫聲不絕差此爲生難緬懷九霄
上劍珮趨朝班西師未能弭用舍紛擠攀瘡痍遍宇內誰
復憂勤殫杞人坐無策淚拭何由乾

鄭州懷古

金臺跨幽燕千里平如砥左挹東海壖右控西山趾斯賊
真南垂版築伊古始俯仰千載餘巋然僅頽址居民類蜂
屯戶牖臨街啓曉市集繞髣髴暮郵戒弓矢緬懷宋拒遼白
溝籍唇齒干戈日相尋金帛詎能弭禍端唐晉亡厄會金
元起衣冠幾遺民推結吁可耻皇明開中天建都正文軌
懿哉畿甸間秉耒化詩禮駟騑偶來過諏詢亦良喜往事

關廢興浩歌激滅否

抱疴

觸事乖養生抱疴廢朝請
瞋眩未能瘳一室坐如井
澄心悟微言瞬目生佳境
小愈戒垂堂悠然發深省

夜坐

瞋色闕琴書開軒對明月
微雨捲浮雲踈星粲成列
孤蹤栖鳥定群響虫聲歇
緬懷塵外人高枕宵鍾徹

勉學

狂風不終朝驟注不終日
所以君子心乾乾永終夕
玄穹運化樞物生浩無息
微哉丹府靈萬變此貞一
至理分毛

絲炳然垂六籍脩已安斯民消勺滄溟積翩翩鬢兒倏
已髮如漆母將分寸陰輕比連城壁

誠遊

西塾有佳士志道忘所謀充飢僅簞食被服無完裘高戶
理丹鉛日從洙泗遊倏焉起弘化功與山岳侔餘休光九
族令譽垂千秋東市有蕩子重綺羅珍羞晨驅治遊馬暮
宿歌姬樓名隲業亦毀生死同蜉蝣善惡炳明鑒弱齒貴
自脩勗哉二三子聞義真吾憂

和陶

冬至閉柴關春耕雜童孺一室未遑安而豈廟堂真緬懷

釋褐初黽勉從冠屨素餐固宜慚發餼尤所懼茲焉謝羈
紲放懷隨所遇田園雖已蕪日涉自成趣淵明乞食篇千
古畱佳譽

貞女辭

貞女名貞姿城東張氏女也其父成甫少與予同學庚
午之變予適家居故知其事爲詳噫貞女之死稱其名
矣因其弟奎應之請爲之辭曰

幽幽淑女姿隱若雲間月明明烈女心凜若風前雪清年
方及笄邁此潢池孽出門跬步慚兩面凝青血天高不可
登地厚幸可裂波澄徹九泉骨洗香難滅誰哉表方塘遠

繼曹娥碣

晚憇有懷

閉門春晝長倚策春山暮
疎雨過脩林幽花滋微露
遺纒墮征鴻感物興遐慕
不見雲中人惟見雲邊路

贈別

別離不在遠出門即悠悠
之子暮行役把袂不得留
仰瞻太行雲俯視黃河流
壯年弧矢志斯道嗟林丘
有酒清且淺當歌不能酬
贈子青霄月千里結綢繆

詠史

南山何高哉亭亭峙雙闕
上有虎豹關下有蛟龍穴
春餘

農夫耕秋縱虞人獵寒蕪野燒殘貞松尚萌蘖烟消秦帝
宮塵翳周王轍何如詠幽風千古垂芳烈

鶴峯卷爲內姪魯伯賦

羽族有胎仙矯矯青田質飛止金鵝顛清唳振岩石好爵
固自縻樊籠豈容息一舉凌九霄千峯餘寸碧

崇弟小景

巖巖雲外峯隱隱林間屋白晝携杖藜來此避炎溽請解
囊中琴題詠對醴醕清興浩無涯風雩良可續

夜雨愆兒誦正名學稼章因成四韻

瀟瀟庭戶風浙浙簷階雨稚子夜未眠隔窓誦論語季路

與樊遲仲尼果誰許吾老志未衰希顏尙期汝

執齋先生文集卷二

執齋先生文集卷三

七言古詩

中秋

青雲樓下秋風早，青雲樓上秋光好。
天末浮雲一卷開，萬里玻璃淨如掃。
嫦娥浴罷扶桑東，乘風躍起玻璃中。
樓前山河淡無影，玉華金粟光玲瓏。
此時見月誰能寢，暫束詩書拚一飲。
折桂須還隔歲期，啣盃莫負良宵永。
嫦娥待賞懸中天，流光入戶窺華筵。
主人得酒更傾倒，狂歌縱飲清光前。
仰看天上光俯酌，樽中酒酌酒月入盃。
持盃光在手，翻言一吸金樽空。
金樽盡入丹田中，月明在天光在腹。
豪

氣萬丈生晴虹拍手闌干問明月幾度今宵幾回缺把酒
空聞對謫仙手攀何以逢康節丹桂如今幾許長秋風何
日散天香嫦娥合就長生藥須向空中架綵梁

中秋望月

八月十五秋之半曾約嫦娥共清玩高捲珠簾待月明誰
遣浮雲隔霄漢十二樓前久延佇豪氣呼風怒吹雨心跳
耳熱那能眠便欲乘風遡寥宇金爲輅兮玉爲軛招太一
兮驅蚩尤上鴻濛之無極下弱水之奔流建霓旌擎天鼓
列缺爲鞭霹靂爲斧礫豐隆掃烟霧淨妖氛肅皇路萬里
長空玉鑑開一輪皓月驪珠吐香生丹桂叢光滿清虛府

靈藥常教白兔春霓裳細看青鸞舞天柱不須登虹橋不
須度盧子休言怪事生解公莫道佳期誤爲君捧出八寶
輪高照四海八荒千萬古

會言答冒工部

去而益詠綠對陰濃啼不盡使君匹馬向南來薰風盡解
蒼生愠去而益詠

二

不如歸去白日西沉水東注一身出門千萬岐擾擾亡羊
何處住不如歸去

三

早禾早穀早種秋來還早熟上供 君王下妻子有酒如
銀飯如玉早禾早穀

四

惡阿惡阿山石崎嶇山逕惡豺狼奔走斷人行此鳥有情
淚空落惡阿惡阿

同卓兄西郊

春來日日風和雨不道西郊春幾許艤棹行憐綠對陰開
樽坐聽黃鸝語醉指青山隔水涯數聲鷄犬似仙家最好
踈籬與茅屋請添脩竹共槌花

四駿二圖爲黻兄賦

渥洼雙駿神骨奇毛色豈論黃與驪一匹烏龍踏晴雪一匹赤兔雲凝蹏萬里方看血流汗誰爲繫此垂楊畔長鳴迅奮君豈知會須一製絲繮斷

又

驊騮玉面霜四蹄軒髯振尾爭先馳豹花驄駒感春意翻風弄日相追隨精光瞳瞳眼相射蹄嚙相凌不相下沙塲萬里烟塵空只愁恍惚蛟龍化

登樓感懷

狂風日暮吹林竹翠羽翩翩擊寒玉遊人驚聽起凭闌但見白雲飛斷續白雲無心本在山隨風忽滿天之間長空

萬里渺無際白雲一去何時還樓上搖搖重招手天上茫
茫不回首樓上天上隔迢迢目斷魂飛坐來久坐來愈久
愁愈深空林相對鳴幽禽梅花幾點落香雪始訝春翳非
秋陰

題歲寒大字贈蕭具緒

晦菴先生筆如常點染烟霞散星斗快刀割斷生蛟螭不
數魚書與蝌蚪百年一紙千黃金義昊筆畫公權心共姜
豈學趙姬舞舉世祇重黃庭經歲寒二字爲誰寫家君奉
自閩山下蕭疎玉樹號霜風澄澈水壺凍還瀉知君心事
冰霜餘歲寒宜掛君之居莫言立雪冷如此早晚春至歌

風雪

雲山書屋圖

群山穴蛇奔虬龍挈雲攬霧來自空雲翻霧湧山欲動宛
若波浪滄溟中山下人家接林數遠者如無近如有豹隱
惟聞啼鳥聲白衣忽變爲蒼狗雲中夜雨飛流泉澄溪一
道通前川誰家翠屋映川起琴書坐對明窓前窓前琴書
得深趣門外溪山聊所寓江流曾見濟川來山雲更許爲
霖去我生好奇心欲燃杖藜往往凌幽偏晴窓倏忽起烟
霧使我見盡心悠然君不見章貢南來幾千里鵝嶂蒼山
插天起雲影波光滿戶庭絕似吾家書屋裏吾家簪纓幾

金紫清白傳家只經史畫圖想像發長歌繼志于今在孫
子嗚呼繼志于今在孫子

創君贈張舉人

丈夫以天下爲家六合一字萬物遮厥初創造賴盤古自
後補葺煩女媧一物不遮恒歎息楊若帶雨披風炙炎日
豈似求田問舍翁偃仰一軒僅容膝張君學道期古人曾
次萬斛皆陽春有時開口吐珠玉有時落筆生精神奇材
宜遣良工斲架作清廟明堂及臺閣如何嫗蹇附蓬茅却
向寬閑置榱桷吁嗟人生窮達自有時傳巖即霖雨莘野
皆雲霓萬間設施固有日一椽結構聊棲遲黃鶴之南大

江之上衆水相逶迤群峰屹相向掃除瓦礫啓坤輿隔斷
塵氛露乾象郢人斤斧何光芒般輪營度巧且良援天上
和露之槌以爲棟削日邊倚雲之杵而爲梁月中殘桂久
掇拾充斥楔斲折與枋條看華屋凌空起恍若閨苑移來
綵雲裏窓戶光含夜月清門庭瑞藹晨烟紫可以奉蒸嘗
閱經史宴親朋樂妻子吁嗟創居之樂樂如此寧知百萬
億蒼生穴處巢樓寒欲死丈夫有才必有用一居豈足爲
輕重別有一居高大而光明時來應與蒼生共

仙家

仙家何在東瀛洲弱水浩渺三山浮瓊樓月皎不知夜琪

對花發不知秋烟霞上掩白晝靜雷電下掃玄壇幽一聲
長嘯海天碧塵世碌碌如蟬蛸

鍾馗爲彭憲兄題

藍袍烏帽非凡才星眸雲鬚何怒哉手中三尺厲冰雪妖
山頃刻成飛埃宮中媚狐吹玉笛漁陽封豕飛鳴鏑若爲
坐之清廟端寧用青騾迎警蹕

雲山爲資登元書

百福山下昂溪陽故家輩棟如雲翔春雲作雨四郊暝青
山不動江流長高山仰止人非遠世澤江流共深淺藜杖
原頭會有時雲端一覽雙眉展

題鶴贈蒙紳

九臯吹下孤雲影一片閑情秋萬頃石翠偏明白雪翎竹
風不動丹砂頂獨奉一足空林間夢魂飛入蓬萊山眼前
不識遼東客何用區區問使還

春日

東風欲放春消息梅蕊飄香柳條碧高堂對景不成歡嘆
息春光枉拋擲春光可去尚可來美人一去何時回空房
寂寂掛蛛網荒塚漠漠生莓苔莓苔漸生春又老翻羨人
生不如草草生一歲一枯榮人生百歲常枯槁常枯槁可
奈何坐看梅柳成蹉跎梅子可羨柳可染美人歸來海清

淺

憶恨

春日苦短春夜長銀河漏過雲茫茫千回萬轉不成寐蘭
膏一點明空房夢裏如聞人嘆息夢覺猶疑隔空隙獨起
推窓思悄然夜深細雨梨花泣

題追姪扇

老子如龍形似鶴長生不羨壺中藥平坡草軟高樹陰一
覺陶然有真樂月明皎皎清風徐尋常原野皆翠脊宣尼
老矣周公何如乾坤一粟古今須臾吁嗟黑甜之樂樂有
餘只愁霖雨思良佐驚爾樹陰清夢破

墨竹

占來墨竹稱文同達士所寓非凡
近來得名夏大理力
追與可希天工葉葉含春風枝
秋雨兔起鶻落爭相
先鳳翥鸞翔忽如許清泉白石疑
蕭湘蕭湘萬頃懸中堂
晴天恍惚起烟霧靜晝彷彿聞笙
簧蕭君愛畫如愛玉索
我題詩擬淇澳煩君更置三友圖
歲寒把酒回春律

題畫

落落長松幾千丈銅柯鐵幹森相向
恍如端人正士危冠
簪蒼髯屹立青雲上歲晏山中雨
露深蒼鸞起舞翠龍吟
廟堂此日須梁棟次第工師到遠岑

題太乙真人圖

太乙乘光五雲上，倏忽爲人非。可像誰哉？寫此登瀛圖。芙蓉一瓣波千丈，竒編把玩危者平。蛟龍穩駕凌空明，蓮舟泛泛亦尸假。藜杖往往皆天行，昔予校書天祿閣，親見乘風下寥廓。謂予妙道足憑虛，世人空羨揚州鶴。

醉和杜工部

把劍長歌對清酌，豪氣如龍亘碧落。禹稷由來在廟廊，巢由未必終丘壑。不用才凌鸚鵡洲，何須名上麒麟閣。洙泗一派從天來，閩山入眼青如苔。閑中歲月真優游，清風明月無纖埃。樽前縱飲君莫笑，醉看五湖成一杯。

秋江送別圖歌

丈夫七尺身如龍元氣萬斛盤心胷自生墮地志孤矢安
能老此山之中行舟已買秋江濟橫櫓臨風欲飛舞劍氣
遙臨少皞天文光直指馮夷府舊遊惜別爭來趨聯車駐
馬城西隅牽衣把酒壯行色欲別未別心躊躇君不見終
軍棄繻年方少相如題柱誰同調座上徒爲楚客悲腰間
自拂吳鉤笑倒玉甕傾金波酒光入面頰生酡醉來爲爾
歌長歌歌聲激烈群心和仰見渺渺之行雲俯見浩浩之
洪波洪波東流日千里行雲作雨蒼生喜終軍司馬安足
論丈夫事業湏伊呂即今神聖開明堂櫨櫨榱桷俱材

良長松豈合卧雲壑萬牛宜挽工師場酒盡離亭日將夕
雲帆忽展風前翼高揖謝諸公回首蓉山碧

題畫

碧雲雍山山欲飛青松紅樹風披披道長巖蹇翻四蹄琴
書滿抱愁老奚少年遊秦復遊晉經濟深謀誰解聽五星
聚奎光炯炯一笑墮驢天下定

二鳥行

翩翩羽葆攢瑤瓊竹葉挺秀梅敷榮枝間二鳥百鳥英竚
立顧眄飛且鳴錦衣燦爛耀日星和聲濺濺諧護韻呼鳳
為友鵬為兄千年一見四海平惟人至秀萬物靈出類拔

萃鍾粹精前者稷契後顏曾二程並起道乃明李杜韓柳
未足稱煩君更續二鳥行

讀書圖

丈夫未遇人誰知衡門却掃春遲遲遙山雨過湛空碧活
水潏潏通前池手中一編隘千古神劒晝鳴虹夜吐落
落隆中未足驚紛紛稷下何足數

赴輝途次贈王懋之

遙山沉沉如積黛太行相引青雲外平郊碌碌雕輪鳴
雲霧和風送飛蓋中原千里入指掌今古興亡動遐想
易水空餘壯士悲鄴臺無復佳人賞感事興懷朝復昏
風餐露

宿更星奔故鄉山水自清絕客路驅馳誰與論王君磊落
同年友弱冠堂堂安陸守漢水方城勝槩中陽春白雪風
流後接袂情真相慰深買樽時復洗塵襟山中綺皓君雖
樂奈此匡時一寸心

壽陳君

甘溪暖日薰花柳盡醺春波作春酒瑞雲四野爛成霞壽
星五夜明如斗陳君樂隱甘溪頭中閨德與年俱侔一週
花甲屆初度再閱海屋添新籌華筵曉啓金樽倒醉看溪
山似蓬島藹藹芝蘭鎮自芳青青梧竹寧知老惠連二館
嘉禾清邀詩寫與歌長生長生之歌歌再作舉頭遙見南

天鶴

春宵詞

丁東鐵馬風前驟
藕絲帳薄春寒透
玉人夢破三更後
橫窓幾點梅花瘦
梅花瘦
君知否
酸心一點青如豆

東山圖題贈張體道

東山之高幾千丈
出雲可以彌天上
東山之深深幾許
爲霖可以彌寰宇
謝公昔隱山之中
翛然聲價江之東
堅齋溫敦等蟣虱
賭墅折屐皆神功
皇家此日恢中夏
東山近在鍾山下
約君携酒登鍾山
東山置爾尊壘間

張孟廷席間題聘釣圖寄興

渭川之水天上來誰哉坐釣川之隈白魚躍舟浪傳語玉璜已兆非熊才白水中興千載下忽然又見羊裘者二十八將敢謂雲臺高富春一釣人爭訝遙遙鳴騶貴我林丘清風動星象炎祚同姬周張生學道知幾年出處直欲追前賢君不見蛟龍卧秋水又不見鵬鷃同風起當筵作歌興未已桂花香滿金樽裏

紀事

上距待報

曉來群鷁喧訟庭縱有人語何由聽曾聞玉曆紀忠佞詎此瓊屑占烏經晚來翹首瞻城闕太白高高掛新月方朔微言信可徵丹心已矣流清血

秘獄四詠

簷隙日時送微光入幽室侵晨聽鼓起徬徨薄暮聞鍾空
嘆息吁嗟覆盆暗如漆安得火龍千萬億會湏天際掛長
繩淹崦緩轡扶桑疾

二

窓隙月乍如環忽如玦洞房孤燈耿明滅虛訝浮雲弄圓
缺竹床瓦枕絺帟單梅花清夢愁江干瓊樓玉宇九霄迥
若爲飛珮隨青鸞

三

牆隙風來無蹤翻書卷衣袂使我燈焰閃爍如青虫嗟風

伯來何從清明明庶成化工乾坤大噫土囊小胡爲墻隙
如吹筒嗟嗟風伯省厥躬

四

瓦隙雪跳珠璣飛玉屑拂几粘櫺寒不滅圉圉年深塵上
多藉爾光輝見高潔隔窓撲檄聞春虫定知一白千山同
饑腸束裂莫煎炒還家應及歌年豐

芙蓉樓小景爲直弟題

峩峩華屋臨江起古木森森蔭江水隔岸芙蓉十二峯若
爲移置軒窓裏生絹一幅二尺強筆精意到爭毫芒雲容
縹緲接衡岱雨聲彷彿聞瀟湘晴來倚檻心神愜榻上簷

前兩秋色幽興寧無載酒人乘舟定有尋源客人言古景
畫不如我言畫好景有餘青鞵布韞誰與俱請君借我樓
中居

題雨竹圖

瀟湘之水清且漣瀟湘之竹何涓涓瀟湘一雨渺無際中
有萬頃蒼梧烟枝頭歷歷作人語葉底垂垂淚成雨鷓鴣
日暮啼黃陵重華一去知何許

題中流砥柱圖

蕭澄老筆楊清泚郭詡孤峯笑談起潛姪持來索我題一
見渾疑泛彭蠡小孤之山彭蠡前岷湘漢庾收群川蒼茫

萬頃接東海突兀一柱支南天有時濁浪驚風雨巨靈怒叱群龍沮有時春色蘸晴波鏡裏新粧照神女君不見魏公謬謬開文明又不見睢陽寒寒當風塵斗南鍾秀幾千載文山六一堪同倫嗟予悠悠空對此兩鬢欲踈心未死黃河砥柱何足云泰山滄海從今始

贈吳紀功

使君持節從天來英標挺挺非凡才千將出匣星斗動驂騑頓轡烟塵開中原赤子墮焚阱長蛇封豕紛成陣詔遣元戎致遠征功宜給諫來銓定朝展旗旌暮倒戈甲兵十萬洗銀河將軍事業黃金印壯士勤勞白玉珂破敵衝鋒

或群醜一一分明記誰某水鑑常持諸君心抑揚肯作別
犁手白筆玄書襲皂囊披雲躡露奏明光彤樓瑞靄通
掖麟閣勛名滿太常梁園留別過重九粲粲黃花映樽酒
一曲驪歌擁去騶雲霄萬里空回首

鷓鴣詞

行不得也哥哥直路苦少橫茅多橫茅可過誓不過寧知
直路生虞羅癡媒汝已被人獲猶自籠中鳴閣閣鳴者自
鳴飛自飛明日主人索羨隴

題畫

二仙高興同劉伶乾坤睥睨雙眸青銀缸蒲泛貯滄海金

樽倒瀉吞長鯨山中老樹不知歲歲歲桃花榮復瘁首陽
莘野今何人不如且共花前醉

二

夜來雷送千山雨溪北溪南深幾許遍舟邀客作遨遊水
底魚龍聞笑語詩囊茶竈舊生涯絕勝天隨處士家短篙
撐出柳陰去一任紅英滾浪花

三

清霜着葉如丹砂蒲林錦樹攢紅霞巖石崢嶸松盤擎遠
山積翠凌飛鴉道人愛此樂偷佳趣疑秋色皆春蕊叢中
有詩詩有畫停車誰復楓林下

四

同雲一色天無風瓊樓玉宇山重重凍樹無聲溪影靜幽
居幻出清虛境溪魚可買酒可沽閉門時復聞鳴鳴豐年
有象無人識明日春泥深一尺

函谷草堂歌爲許廷綸賦

函谷關深且長昔稱險阨今微茫翠山拔地蹴西極河流
捲海吞扶桑誰哉藏脩此築堂芝簷蘭砌辛夷梁牙籤插
架奎斗光筆凌風雨飛玄霜憶昨鳴玉趨巖廊諫垣詞苑
聲洋洋竭來謁告非回翔要探混沌窺羲皇千古山川一
醺甕春絃秋誦天機動千牛百馬徒紛紛封泥棄繻嗟何

用君家世德銘鼎鐘箕裘事業塤箎同吁嗟巫咸伊陟熙
天工安知綠野非隆中

蓉溪書屋歌爲金司寇賦

古涪佳麗今綿州群山回合如瓊甌兩江如線綴三峽中
有一溪深且幽溪邊草木應無數獨有名花占秋富麗質
晴薰萋萋風馨香曉浥薔薇露先生家住錦城東積書宅
勝開群蒙道源滾滾川無窮辭薤歛盡千枝紅有時鵬搏
隘寥廓有時螭屈窺鴻濛君不見蓉溪月清光偏照黃金
闕又不見蓉溪雲一縷頃刻爲霖遍寰宇軾轍文章匪向
歆老泉事業堪伊呂金風吹露溪丹芳拒霜端合稱宜霜

謫仙妙句入宸翰吾儒愈覺生輝光因歌蓉溪謠更作
書堂夢孔明廟前老栢高幾尋大廈如今要梁棟

掣肘行

宓不齊單父令誰令爾居官不能行其政嗟哉二吏雖善
書時掣其肘將何如吏歸告君君不悟君諗其故宣尼呼
掣肘由人亦由己未必髻叅能怒喜君不見振鬣羣軒不
出門垂涕鹽車自千里

辛菴彭公壽圖

明時西極鍾粹精篤生人傑資治平萃山隻手捧北極黃
河百折輸東瀛將門出相世稀有文謨武畧兼孤嫻甘霖

卷之三
十五
一
簾浦枯槁潤撓搶一掃烟塵清 聖皇臨御乾道亨廟堂
台輔登耆英孟秋下澣輝長庚年躋八八方孺嬰群公燕
賀紛冠纓頌聲四座鏘璫瓊座中有客東方生栢梁貂續
慚後呈知公百歲未渠盈要呼希有窺鵬程君不見蟠桃
花三千歲更期結子大如瓜一年一度花前醉

夢查仙遊歌爲林汝桓賦

滄溟大海如銀山蛟鼉出沒於其間自非龍驤萬斛輕一
羽誰能飛度扶桑灣林君夜夢金門吏泛泛仙槎無所繫
飄然直欲訪河源笑指蒙衝等兒戲覺來占夢心自疑茫
茫宦海將安之古云直道必三黜徐聞已有東坡詩懸枿

材乘桴意天下同舟誰共濟不須風雨看潮生雲帆穩掛
安流地

沂樂惠箋走筆致謝

褚生曉入通明殿玉皇一笑回天眷詔賜黃姑五彩衣晴
波浮動仙葩絢沂翁家住東海東栽雲染雨爭神工贈來
千幅催詩筒陳玄毛穎慚雕虫煩將一幅寫民隱玉階咫尺
聞重瞳

歌風臺

六國紛紛如解瓦天教赤帝恢中夏白蛇中斷泗亭前烏
騅力盡陰陵下萬乘洋洋入沛來大風歌罷更憐才絕勝

橫梁能詩客空鎖蛾眉向鄴臺

松谷圖歌爲丘子時賦

君家住近壺山東黃石地沃多長松風雨聲來霄漢上蛟
龍影落滄溟中鍾靈徃徃生材傑信幹疎髯更高節建厦
從知足棟梁濟川亦復堪舟楫書堂畫永泉禽閑雲凝露
滴春姿還幽觀正性本天賦浩歌清氣克人寰只今身已
登臺閣匡濟相傳有家學不須圖畫擬徂徠隆中千古名
諸葛

小孤

小孤舊在江北與馬當相抱險甚成化乙巳
冰決其北涯小孤屹立江中而險失矣

大江東來會彭蠡小孤如柱江心起祠宇嵯峨跨九霄帆

橫迢遞來千里南涯亭子名梳粧山名久已訛彭郎螺髻
和雲綰春色鏡銅對月磨秋光馬當力挽江流轉龍門自
昔稱奇險比渚何年浪捲空臨流一望雙眸展

送張敬亭先生致政南歸

敬亭先生吾所敬橫犀裁牙心悠然宦途驅策四十載承
恩歸去如登仙群公會餞城東角廊廟江湖語交錯征旆
飄飄不可攀舉頭遙見南天鶴敬亭之山何高哉先生家
在山之隈飛嵐倒影入東海神仙樓閣凌雲開石田可耕
芝可茹康樂遺蹤竟何處酒醒詩成倚杖藜桂花香蒲庭
前樹

百舌

百舌鳥爾何巧一吭百舌千萬聲啼遍上林猶裊裊人生
一舌常恐訛百舌將奈磨堅何一舌反覆成百舌百舌反
覆何其多君不見鳳之鳴梟之羽誰遣猩猩解人語又不
見鳩鳩雨雄鳩晴鷓鴣欲止鷓欲行一鳥一舌尚難定一
鳥百舌能無爭吁嗟百舌人所愛吁嗟九頭人所恠九頭
夜吓大可驚百舌晝鳴真叵奈

齊壽圖爲馬錦衣汝礪賦

吾聞泰清之上多神仙仙居縹緲如雲烟紫霞爲裾月爲
珮呼吸顯氣餐羣泉崑崙之外塵寰小今古隙中閤昏曉

方壺員嶠一浮萍義輪娥鑑雙飛鳥就中木父年最尊曾
共盤古分乾坤金妃婉婉與同壽笑指羨門方朔皆兒孫
青鸞送喜長生殿蟠桃果熟開華宴瑤臺迢迢壓滄瀛人
間幾度桑田變長歌王子吟細玩周王傳戎堅所志誰見
之千古睢盱目爲眩那知世有東王公七旬初度身如龍
錦衣夙著嘉譽將門令緒垂無窮閨中淵配西王母翟
翠裁裁映草甫豈徒孤幌增休祥慶積堦前綵衣舞君不
見齊壽圖丹青如此世豈無又不見齊壽酒此樂如公世
稀有佳辰獻壽來佳賓披圖邀我歌陽春歌陽春酒再陳
歌再作祝公康健長曾玄歲歲高堂同此樂

志怪行

紀歲丁丙戌夏四月廿六靖浪之民家黃特身孕懷一項而二首各具口耳目五月十四日丙申金壇農婦生怪人頭方四角面青而六眼高額四鼻塞牙烏喙如山精手足一節且一爪墮地鬼叫連三聲歛然起走擊乃斃創見此怪吁可驚七月望仍丙申日異牛又產南陽邑二首相同項亦分心肺雖分身尾一聞之嗟嘆稽占書無乃世降生形殊多則不一少不任人將壽幻爲妖歟黃帝鑄鼎荆山隅齊諧屑屑庸非愚反身脩德天可格祥業枯死安無虞

石鐘山歌

石鐘山何高哉巖巖兢秀江之隈初發端人秉笏立朝署
又疑靜女把鏡臨粧臺長江萬里如奔馬彭蠡淵泓匯其
下乾坤陶冶質本虛波濤撞擊聲非假春風浩蕩秋月明
蛟龍鼓舞鯨鼉鳴或如巨鏞震東序或如戛劇和琴笙水
石相搏豈人力石鐘千古留佳名山僧叩石誇竒絕南音
含胡北清越山川靈異石偶同至理寧容三寸舌我來訪
古將誰從酈元李渤東坡翁枕流洗耳了無得倚闌目送
雙飛鴻忽憶高皇此停蹕龍旗一掃群凶畢鐘乎鐘乎
爾善鳴爲予汛掃磨崖石

清明感事

東風錯落吹香雪。知是江南寒食節。
楊柳陰中隱翠娥。柱鶻聲裡啼紅頰。
年年輿馬此來過。對景懷人感慨多。
借問黃公灘下水。爭如鵝嶂碧嵯峨。

碧梧翠竹圖

丹山有石東海東。碧梧翠竹相玲瓏。
六鰲移山鵬運海。倏忽置我萃堂中。
綠雲曖曖敷晴葉。新梢落落霏香雪。
羣羣如含雨後滋。猗猗更展風前節。
陳生水墨天下奇。生綃一幅回春姿。
高岡淇澳動幽興。飄然欲賦無聲詩。
君不見珊瑚柯琅玕。實上林葱蒨佳氣多。
會看瑞鳳鳴朝日。

君馬黃

君馬黃戎馬白朝遊東郊暮西陌君馬白戎馬蒼朝暮蒼
黃變顏色太行北望空巖巖江湖南下多波瀾金鞭九折
地難縮仰羨林鳥雙飛還

竹崖壽意爲蕭君家碩賦

丹崖萬仞懸青松洞門窈窕開仙宮臯比坐擁脩眉翁俯
閱人世烟濛濛琴樽取適蟠桃供青童白鶴紛來從壽圖
此意誰可同徑欲持獻華筵中蘭陵先生竹崖甫容似商
顏心衛武八旬百歲未渠央年年此日斑衣舞

望雲歌爲蕭君遠才賦

朝望雲氣深暮望雲光薄太行親舍縹緲間此日親遊已

冥漠浮雲無根本在山隨風忽滿天之間嗟君望雲石可
爛尾間逝水何當還春雲雨露濡秋雲霜露集晨昏致慙
將見之夢醒虛堂淚沾臆君不見狄懷英忠以孝立孝以
忠成君今望雲已無極勉哉忠孝希揚名

慎軒爲蕭君蒙紳賦

慎軒先生予所厚憶昔青年哲菴著險路危機幸已諳浮
雲幻態嗟何有自言慎德德廼崇誠心爲慎義非苟高軒
萃扁揭明訓如挾臯謨從魯叟世人見利爭先趨先生見
之一揮手世人吐語如翻河先生聞之一領首敬義森嚴
杖屨銘威儀抑抑宵筵酒竭來卜隱向城南時復遺安付

南畝花竹連階色映眸
茯苓滿地香凝肘豈徒
畱裕傳兒孫剩有餘歡
及朋友嗟予蹇劣與世
乖獨荷高情類醇酎
五夜鷄鳴風雨中三冬
栢秀冰霜後辱需長句
寫嵯峨愧乏新詞比瓊
玖慎軒之歌歌未闌有
待期願供擊缶

日出扶桑圖

騎鯨直渡滄溟水却望
扶桑彩雲裏上有柯榦
千百尋下有波濤千萬
里金鷄唱徹金烏起萬
國山河如火底月轉嚴
城玉漏殘煙消闔闔朱
簾啓須臾飛上天之中
下照群生似蝼蟻似蝼
蟻誰敢擬君不見聖天
子

月生滄海圖

瓊島三秋月錢塘八月潮畫史揮丹筆并刀剪翠綃月華似水流金液水光蕩月搖空碧水底驪龍夜吐珠月中玉兔秋沉璧憶昔乘舟渡浙江潮頭月色滿蓬窓于今醉裏觀圖畫慚愧當年筆似扛

壽星圖歌

若有人兮妙有無弄太極兮居玄都握靈長之玄化佩悠久之貞符百千萬壽安足數屢閱混沌開鴻圖古今一旦暮天地為庭除簪星帶月霞作擎飢飡代岳渴飲江與湖至神妙用超惚恍出入幽明非像想南極輝揚萬象尊東華籍注群仙長聖王致治開壽昌神功格大天垂祥却

來人間表靈異豈獨天際懸光芒飄然跨鹿如龍翔紫雲
爲證風爲糧齊州九點下明滅南山弭節群仙房仙房五
老驚一見趨迎擬設長生宴鹿子呦呦鶴不驚仙童爭捧
蟠桃獻余亦尋真偶見之駝顏鶴髮垂龐眉欣然握手向
余笑彷彿似有平生期玉川畫手搜神變披圖宛見當時
面五雲文士騁才雄揮毫更寫驚人辭豈知至人妙有無
畫圖非真文亦衍君不聞李白謫仙人傳說爲列星眼前
自有南極老顏朱髮綠雙瞳青要當明時作人瑞何須
物外求仙靈蕭君聞之歡不足更把金貂請余續一笑還
君發浩歌仰見雲端下飛鹿

題畫壽廖哇樂

海濱二老年相若長生不羨壺中樂乘流笑指濟川舟
行目送青真閣吳生畫筆如有神生綃淡墨開陽春
蓬瀛縹緲壁間出彷彿又見羲皇人羲皇之人哇樂叟
八十林泉初皓首當筵莫獻出關圖清歌載進長生酒

呆叟詩有引爲魯君莖輅作

呆叟姓曾氏先世業儒登仕版叟獨攻醫隱居事親而
耽經史且能舉其語以警人人以其論篤名之以呆非
誠呆也世之人蠟其貌簧其言炙轂其行所謂智者舜
邪操邪孔子所謂蕩孟子所謂鑿邪未可知也叟所謂

呆弟將矯其失邪爲之詩曰

如愚之人世希有呆叟豈必真愚人出門萬態競機巧
門一卷願天真曾中仙方傳仲景功滿杏林深橘井君不
見結繩祛篋變古今療俗何人發深省

題畫壽六柳兄

解組歸來娛晚節棣華堂上塤篪叶哦句情牽五嶺雲披
圖目貯三秋月陶令風流跡未塵先生六柳鎮長春一樽
笑傲東籬下信是羲皇以上人

題畫壽真隱兄

真人矍鑠身如龍隱身飛入蓬壺中萬山雲霧隔塵世四

時草木皆春風蟠桃菓熟來仙童琴樽鶴鹿紛相從丹爐
大煉金芙蓉一匕入口生晴虹祥光曉徹青華殿老人星
與長庚現莫論滄海更桑田一年一度長生宴

介軒隱趣爲資寵兄作

伯夷重一介柳下輕三公優哉君子趣千古將誰同彭君
樂隱雲溪上世澤淵源著清望東閣北澗日經過五華百
福遙相向春風淡蕩吹衡門腴田繞屋花連村庭諧琴瑟
紹詩禮朋游時復開芳樽清時義問如金玉鳴騶不用來
空谷介軒華扁揭高堂百年共享怡愉福

執齋先生文集卷三